



# **Universitätsbibliothek Paderborn**

**Defensio Abbatiæ Imperialis S. Maximini**

**Zyllesius, Nicolaus**

**Treveris, 1638**

§ III. Quale item Iuramentum soleant subditi Maximinani Archiepiscopo  
præstare.

**urn:nbn:de:hbz:466:1-14268**

tore inuestiti fuerunt, prius illud Iuramentum sub prima illa forma, continua-  
tis actibus praestiterunt, ut Num. 57. & alijs anterioribus inuestituris, probatur  
NN. notatis.

Vnde ergo proreperit illa libello inserta Iuramenti formula, quis eius auctor,  
quis fabricator fuit? quis credat quemquam tam temerarium reperiri, qui in-  
spectante Imperio Romano audeat Iuramenta Vasallorum Imperij corrumpe-  
re, inuertere, in suum commodum transmutare? loco Imperatoris seipsum, lo-  
co Imperii ditionem suam substituere? Ethoc quidem iam libro edito palam  
ostentare?

Quod si quempiam Abbatum (quorum simplicitas nota est) dicas, nescio  
quibus artibus pelleatum tale aliquod Iuramentum admisisse, is non tam suam  
Ignorantiam, quam eorum crimen, à quibus vi, vel fraude in talem aberratio-  
nem fuit inductus, orbi comprobavit.

### §. III. Quale item Iuramentum soleant subditi Maximini Archiepiscopo praestare.

**P**rinципio, pro huius questionis clariore intelligentia, sciendum est anti-  
quam omnino fœderationem esse inter subditos Treuirenses, Maximinianos & Prumienses, ad hunc finem communis eorum consensu & deliberata  
voluntate initam & institutam, ut finirimi illi populi mutuo se aduersus graffatores aut militares irruptiones, adunatis viribus & armis validius tutari possint.

Fœdus illud Hersauia nuncupatur, quasi *Herr schaß* id est, exercitus delectus  
vel illustratio: & non modo inter prædictos populos, sed alios quoque reperitur.  
Ita enim fœderati sunt Grimbergenses, Schwartzenburgenses & Dagstulien-  
ses, è quibus hi postremi immediate Rom. Imperio subsunt, reliqui Elektorii  
Treuirensi.

A fœdere illo Hersauico, quod est inter Maximinianos, Treuirenses & Pru-  
mienses, etiam districtus, in quo degunt prædicti populi, dictus est Hersauia in-  
ferior: Et quia expediebat fœderis illius esse aliquod caput, illa præminentia  
communi consensu delata est tanquam dignissimo, Archiepiscopo & Elektorii  
Treuirensi: Huic ergo tanquam fœderis istius defensionalis Duci & capitidi dum-  
taxat, non autem tanquam Principi aut Domino Territorij, ab omni memoria  
ab Hersauia populis præstitum est Iuramentum, ad finem fœderis tantum: non  
autem ad ullam subjectionem Iurisdictionalem directum. Hæc patent ex instru-  
mento sub Num. 81.

Neque Archiepiscopi Treuirenses illud aliter vñquam admiserunt, nec sub-  
diti alia mente praestiterunt. Sed nec Iurisdictionem in Hersauia populos eo  
nomine potuerunt sibi attribuere aut acquirere, cùm actus illi merè voluntarij,  
ex societate & fœderatione vicinorum consensu inchoata, procedentes; Iuris-  
ditionis aut Dominij Territorialis Ius non inferant.

Illud quidem comperio, Anno MCLXVI. quandam Archiepiscopi Treuirensis Officiatum, in communis Hersauia conuentu, mandatum prætempsum de  
non vendendo vel emendo, in Ciuitate Treuirensi publicasse; cui Maximiniani  
subditi, velut à fine & legibus Hersauia fœderis exorbitanti, nunquam volue-  
runt parere; sed & patere sub poena corporali vetiti sunt à Petro Abbe Sancti  
Maximini.

Atque ita usque in hodiernum diem Monasterii Sancti Maximini subditi, se  
intra limites fœderis Hersauici semper continuerunt, nec aliter Archiepisco-  
po Treuirensi iurarunt aut obtemperarunt.

Vnde,

Vnde, cùm anno MDCXXIII. D. Archiepiscopo moderno, Philippo Christophoro, regimen Archidioecesis auspicante, de more à populis Hersauiae iuramentum exigeretur, tametsi ob litem de statu Monasterij, quæ in aula Cæsarea pendebat, nihil posset præjudicii creari, quomodo cunque subditi iurarent; prospicere tamen voluimus ac omnem occasionem ac prætextum præscindere. Itaque subditos nostros ad iuramentum illud præstandum conuenire vuius; quod quidem ita factum, vti & alia quæ hic commemoro, securè possum afferere, quia omnibus interfui, & mandata subditis denunciaui.

Eâ re intellectâ, misit D. Archiepiscopus Cancellarium suum ad D. Abbatē, adductisque variis considerationibus petiit, vt saltem iuberet vel permitteret subditos suos cum cæteris Hersauiae populis, more antiquo comparere, ne forte ob eorum absentiam alii turbarentur, & eorum exemplo se ab eodem officio subduecerent.

Re, tum apud Nos, tum Luxemburgi ponderata, visum est ad omnem controversiam & perturbationem euitandam, conferre mutuò, & cum D. Archiepiscopo eiusque ministris communī consensu statuere, quid æquum bonumque factū foret.

Iuncti igitur fuimus, ex Archiepiscopi quidem parte D. Decanus Metropolitanus & Cancellarius, ex nostra D. Præses Consilij Luxemburgensis, cui ego adiunctus fui.

Documentis, iuribüs, omnibusque hiñc inde allegatis, visis, auditis & consideratis communī consilio & consensu resolutum fuit, subditi Maximiniani conuenirent cum cæteris fœderatis, iuramentum de more præstarent, sed non ut subditi territoriales, neque iuramentum subiectionis, sed vt Hersauiae fœderati Heerschawen Leuthy veteri & consueto more, iuramentum tantum Hersauiae.

Cum hac igitur resolutione à Conferentia recessum est, subditos nostros ad Conuentum Hersauiae dicta die comparere iussimus, iuramentum Hersauiae duntaxat pro antiqua consuetudine præstare, nullam verò subiectionem aut territorialem obedientiam promittere vel admittere. Cui mandato ijdem etiam accuratè obsequuti sunt, & cùm ad subiectionis iuramentum edendum sollicitarentur, palam dixerunt, se aliud non præstituros, nec intendere præstare iuramentum, quām Hersauiae, recepto ab antiquis temporibus more, nec aliter quoque fecerunt.

Ita actio illa peracta est, sed alia omnia in Archiepiscopi tabulas relata sunt, vti nunc ex libello isto pater.

Id sanè nobis pridem suboluit, & cùm ex non obscuris indicijs colligeremus, ita vt euenit, in tabulas relatum, D. Abbas modernus, Prior & Conuentus S. Maximini per mandatarium suum solemniter protestati sunt, prout in protestationis illius instrumento anno MDCXXVI. confessò videre est sub N. 82. in quo lector suis coloribus optimè depictam & expressam videre poterit.

Ex quibus omnibus agnoscat iam, quisquis æquitatem & fidem amat, quām indignis modis Iuri nostro insidiatum eo tempore fuerit, & qua fide Scriptor libelli in exhibita illa iuramenti forma, sub lit. H. numer. 2. inseruerit hæc verba: *Prator in Regiola proposuit se nomine Monasterij S. Maximini eiusque subditorum comparere & sua Eminentia paratum, subiectionem & fidelitatem pro recepta antiqua consuetudine humillimè præstare.* Cui quidem prætoris orationis ipsammet suā Eminentia respondisse, dicit, *se in quantum Pro, acceptare quod nomine &c.*

In quo sane præter decorum, tantum Principem vt forensem aliquem litigatorem loquentem Scriptor inducit, tricisque nescio quibus Causidicorum

illum utentem & simplicem rusticum in verbis suis captantem. Et quidem pessimo hoc consilio & causæ suæ perquam noxio agit; si enim Eminentissimus dixit, acceptari dicta illa *in quantum Pro*, nonne fatetur dicta aliqua fuisse non Pro, sed Contra ipsum, atque adeo totum quod ibi dicebatur non fuisse pro Archiepiscopo? Ita iusto Dei iudicio euenit, ut dum fraudem palliare cupit, eam quam maximè prodat. Potens enim est veritas & veluti ignis, qui quò magis concluditur, eo maiore vi & fragore erumpit.

Sed & aliâ ratione seipsum cruentat & conficit ipse scriptor. Probare intendit à tempore Alberonis Archiepiscopi, hoc est ab Anno MCL. circiter subditos Maximianos subiectionem & obedientiam Electori Treuirensi, tanquam Domino Territoriali iurasse, & ut hoc pröber, profert vnicum actum Iuramenti, quod Anno MDCXXIII. præstitum dicit. Nonne per hoc satis fatetur antedictum annum, quo lis in consilio aulico Cæsareo agebatur, nihil vñquam tale gestum fuisse?

Sed hæc quidem magis ad veritatis testimonium, quam Iuris nostri defensionem ita referre volui: nam cum eo anno, quo hæc gerebantur MDCXXIII. apud Aulicum Cæsareum Tribunal causa & lis super Monasterij Iure agitaretur, ut dixi, clarum est per eiusmodi actus nihil iuris potuisse Archiepiscopo acquiri.

## SECTIO NONA.

### *De lite in Camera Spirensi Anno MDXLIX. inchoata.*

**A**Tempore Alberonis transiit libelli Auctor ad annum usque MDCIX. Acto tot intermedii sæculis, dicit eiusdem Alberonis Successores in quieta possessione & plenario exercitio Iurium territorialium & Electoralium permanisse, Abbates verò & subditos S. Maximini omnia subditorum munia, atque omnes & singulos Iurisdictionis Territorialis actus, quos enumerat, paratè & officiosè subiussæ, donec tempore Caroli V. Cæsaris anno MDXLVIII. Cæsareus Procurator fiscalis contra Ioannem Ludouicum Archiepiscopum actionem in Camera Spirensi intentarit, in qua auctorem dicit conclusiones libelli sui eò direxisse, ut Iudices Camerale decernerent Abbatem S. Maximini esse statum ac membrum Imperij immediatum, eaque propter teneri soluere Imperio contributions; vel casu quo Elector Treuirensis in Exemptione Abbatæ aliquid Iuris prætenderet aut haberet, ipsum pro eadem ad prædictas contributions Imperio exoluendas obligatum esse. Et marginalis glossator addit, quod Cæsareus fiscalis tentarit per hanc actionem Monasterium à sœulari Iurisdictione Archiepiscopi eximere.

In textu verò libelli Scriptor dicit ab Abbatibus procuratores in hac lite sive processu constitutos, eosdē se pro subditis Archiepiscopi propria judiciali confessione agnouisse; octodecim annis processum ventilatum, omnes probationes ab utraque parte productas & consideratas, idque probare per exhibitionem voti Cameralis intendit, quod est in libello sub lit. I. cui addit sententiam inscutam sub K. atque hæc fere à n. 31. usque ad 36. persequitur.

Qua in narratione cum plurima aperte falsa continentur, ante omnia bona fide totiusque rei gestæ seriem & litis istius occasionem & progressum referam,

tum